

# Maruah tercemar jika gagal — Dr. M

BH 24 NOV 1982

**JOHOR BAHRU**, Selasa — Datuk Seri Dr. Mahathir Mohamad menegaskan hari ini, kejayaan membina kampus induk Universiti Teknologi Malaysia dekat sini hendaklah dijadikan bukti lambang semangat dan kebolehan orang Melayu di bidang pembinaan.

Perdana Menteri mengingatkan 300 belia Bumiputera yang dilatih bekerja membina kampus itu supaya jangan menggagalkan projek tersebut.

"Kalau kita gagal di sini, kita akan kehilangan kehormatan dan maruah kita dan tiada sebab mengapa orang lain harus menghormati kita," tegasnya ketika berucap kepada pelatih-pelatih tersebut di Kem Latihan Kobena-Sambu di Km. 24, Jalan Pontian dekat sini.

"Kojayaan akan menjamin kehormatan kita dan kita boleh berjalan sama tinggi dengan orang-orang lain," katanya sambil mengingatkan mereka bahawa kampus UTM itu ada kaitan dengan bangsa dan negara.

Bellau menambah, "Kalau kita bergantung kepada Kerajaan mungkin

Oleh AMIN OMAR

orang lain akan takut dengan kita, tetapi di belakang kita mereka akan hina kita dan bila ini terjadi, kita tidak ada hak hendak menjadi satu bangsa yang maju."

Datuk Seri Dr. Mahathir menghabiskan masa kira-kira dua jam di kem latihan tersebut melihat dari dekat kaedah latihan kemahiran yang dijalankan oleh jurulatih Korea.

Bellau menyatakan rasa bangga dengan kejayaan dan tahap disiplin yang diamalkan di kem tersebut.

Para pelatih tersebut, yang bakal menjadi pekerja industri binaan mahir selepas tamat latihan akan bertanggungjawab menyiapkan projek kampus UTM berharga \$500 juta dekat situ di bawah kontraktor Kobena-Sambu, sebuah syarikat usahasama Kobena dengan Korea.

Kem latihan berharga \$3.4 juta di atas tapak seluas 4.8 hektar itu dibuka oleh Datuk Seri Dr. Mahathir, Mac lalu.

Perdana Menteri menarik perhatian bahawa disiplin yang tinggi adalah perlu di kalangan rakyat kerana "bangsa yang tidak berdisiplin adalah bangsa yang tidak akan dapat mempertahankan diri bila diancam."

Menurutnya, disiplin adalah faktor utama menang kalahnya satu-satu perjuangan.

Tiada berdisiplin berarti kalah atau maut, katanya, menegaskan bahawa orang yang lemah akan menjadi kuat sekiranya mereka mempunyai disiplin yang tinggi.

Dalam ucapannya yang membe-rangsangkan itu, Datuk Seri Dr. Mahathir menegaskan sikap orang Melayu yang bergantung kepada Kerajaan dan berasa puas kerana negara ini adalah negara mereka.

## Lemah

"Sikap begini akan hanya menambah kelemahan kita kerana orang yang bergantung kepada orang lain akan kekal lemah," katanya.

Sebaliknya, beliau menyeru orang Melayu supaya bertanya diri sendiri mengapa mereka ketinggalan dan sama ada mereka mempunyai kelemahan. Sekiranya soalan itu dijawab dengan jujur, mereka akan mengetahui bahawa kelemahan mereka ialah kerana mereka kurang minat, disiplin dan kemahiran, ujarnya.